

MONUMENTA LUGUBRIA,

PIÆ MEMORIÆ

MATRONÆ CANDIDIS FIDEI ET VIRTUTUM

ORNAMENTIS PRIDEM ORNATISSIMÆ

DOMINÆ

CHRISTINÆ,

HONESTISSIMIS NATAL.

STIRIANÆ,

VIRI

NOBILISSIMI, AMPLISSIMI ATQVE CONSULTISSIMI

DN. CASPARIS

BERENDTII,

Reipubl. nostræ Consulis quondam gravissimi

Honoratissimæ VIDUÆ,

Anno 1650. d. 16. Octobr. aruito sanguine satæ,

&

Anno 1706. d. 29. Jan. circa h. 8. vespertinam

inter Adstantium devotissimas preces

in Christo placide demortuæ,

Ipsa die solennissimæ funerationis,

qui fuit II. Febr. p. a.

*Ea, quæ par est humanitate*

In solamen Nobilissimæ, sed simul moestissimæ

Familix posita

PROFESSORIBUS ET VISITATORIBUS

GYMNASII THORUNIENSIS.

THORUNII,

Excudebat Johannes Conradus Rügerus, Nobiliss. Senatus & Gymnasij Calcographus.



**S**I quid in hoc orbis quenquam fatiare theatro  
Possit: longa salus vitæque longa foret.  
Longævus siquidem nobis promittimus annos,  
Nestoreas Lunas, Nestoreasque faces.  
Et bene: nam summi sequitur qui iussa Jehovah,  
In mundo largos computat ille dies.  
Est hæc diva diu sancti benedictio cœli,  
Ut vitæ texat stamina longa brevi.  
Cernis, ut annosus portet sua cornua cervus,  
Ac Aquilæ Regis secula multa vides.  
Hæc si prosperitas animalia cæca sequatur:  
Cur homini vitam vis superesse brevem?  
Maxima sed vitæ longævæ cernitur ætas  
Huic; qui Christicolæ nomen habere cupit.  
Christus prolixæ nobis est optimus autor  
Vitæ, qui reparat restituitque brevem.  
Æternam vitam peccans amisit Adamus,  
Alter Adam verò tempora longa dedit.  
O CHRISTINA, tuam quis mortem rodant acerbo  
Dente? Tibi seclum dimidium usque fuit.  
Sed nunc æternas perstat Tibi vita per horas,  
Mors sit amara aliis, sed Tibi dulce lucrum est.  
Vita Tibi Christus, melior Tibi Patria cœlum.  
Nobiscum dicis, chara Thoruna, vale!  
In Christo solum cupiebas vivere, Christus  
Gemma fuit medico robore gemma potens.

So-

Sola fides animam vernantibus intulit hortis,  
In quibus alma viret pax requiesque, tuam.  
Sola Fides cœlis excelsior omnibus, in Te  
Æternam vitam lætitiæque parat.  
Illustrata tamen fuit hæc virtutibus amplis,  
Quas dispersisti per genus omne fatis.  
Pauperies sensit largæ tua munera dextræ,  
Senserunt nostri munia grata Lares.  
Vos *Behmios* fileo claros, fileoque Berendtos.  
Hæc Vobis Mater iusta (*Noverca*) fuit.  
*Schultzius* ore canit Socrus dulcissima corda,  
Pectore sed tristi gaudia dempta gemit.  
Natarum quis jam poterit cantare favores,  
Queis complexa fuit Mater amanda piæ?  
Nunc silet, & nostros gemitus lacrymasque repellit,  
Pectoribus mœstis talia verba loquens:  
*Mortua cum Christo, cum Christo læta resurgam,*  
*Lucis sum consors, ut crucis ante fui.*

L. ser.

M. MARTINUS *Böhm* /

**L**Audibus extollant fortissima pectora vates,  
Arque suis memorent grandia facta metris:  
Cur agiles animos laudet mea Musa Virorum,  
Nulla movet ratio, nullaque causa subest.  
Vita quid est hominum, quam passio crebra piorum?  
Rebus in humanis actio nulla fere.  
Quidquid percipimus visu audituque, malorum  
Præ se fert faciem, quæ toleranda piis.  
Omnia, quæ sol ipse videt, sunt plena malorum:  
Vix uni locus est ullus in orbe bono.  
Mars hominum genus omne premit, mortemque mi-  
Crudelem populis omnibus ore truci. (natur,  
Ve-

Vexantur morbis alii per tempora multa,  
Qvos Artis medicæ pharmaca nulla iuvant.  
Divitis ante fores stant Codrus & Irus egentes,  
Ut capiant micæ, discutiantqve famem.  
Præterea multi curis franguntur amaris,  
Litibus iniustis ac inimicitiis.  
Omnia virtutum princeps Patientia vincit  
Hæc mala, quâ sine nil fortis in orbe valet.  
Quapropter Matrônâ piè defuncta meretur,  
Ut laudes Eius carmina nostra canant.  
Scilicet, Illa tulit magnam de mole malorum  
Partem, dum felix desit esse semel,  
Ac iterum, privata duobus morte Maritis,  
Consulibus claris consilio, genere.  
Cum morbo dum conflictari caput acuto,  
Qui rapuit vires corporis atqve decus.  
Qui docuit, quàm vana sit omnis gloria mundi;  
Et brevius mundi prosperitate nihil.  
Qui toties rediens præfagus nuncius atqve  
Autor postremò deniqve mortis erat.  
Hanc verò pariter vicit patientia eâdem,  
Quâ vicit morbi cætera sæpe mala.  
Nunc agit optatam vitam, dum passio cessat  
Omnis nunc, nullo concomitante malo.  
Jamqve Bono fruitur Summo, semperqve fruatur.  
In cœlo sanctis associata choris.  
Nobile vincendi genus hoc mirare Viator!  
Siquæ cupis pariter vincere, disce pati.

*Lingvæ ser.*

M. MARTINUS BERTLEFFIUS.

